

天一閣藏明代方志選刊

嘉靖温州府志

一九六四年二月上海古籍
書店據寧波天一閣藏明嘉
靖刻本景印原書版框高二
四·〇公分寬一六·七公分

天一閣藏明代方志選刊

溫州府志

温州府志序

父子君臣人之大倫也
舍此言治皆苟而已温
古揚州之域比宋遂稱
小鄒魯我

朝

皇上嗣位朝議率宋濂王故

事以

皇上考

孝宗叔

興獻皇帝舉朝力爭余曰此
倫理綱常攸繫獨上疏
上親覽之曰此論一出吾父
子可終完也此議遂定
漢宋俱成陋習矣禮成

余忝官黃閣十年以老
病乞休觀舊志深有憾
焉夫吾溫城池風俗山
川人物與夫宮室丘墓
書目詩文之類間有可

觀者采錄之孰有大於
明倫者哉千百年之下
孰有過於此者哉書此
作郡志序

嘉靖丁酉八月望日

光祿大夫柱國少師兼太
子太師吏部尚書華蓋殿
大學士邑人張孚敬序

温州府志目錄

卷之一

建置沿革

疆域

戶口附

城池

風俗

官守

公署

學校

壇廟

驛傳

卷之二

山川

塘

埭

斗門

渡

橋附

坊門

卷之三

貢賦

倉庫

名宦

人物

列女

卷之四

宮室

卷之五

丘墓

寺觀

卷之六

災變

兵衛

卷之七

書目

詩

卷之八

文

温州府志卷之一

建置沿革疆域

戶口附

(温州府)禹貢揚州之域天文斗牛女分野春秋戰國時並屬越秦屬閩中郡漢初為東甌王國後為會稽郡之回浦縣地東漢為章安縣地又分置永寧縣三國吳屬臨海郡晉置永嘉郡治永寧縣隋初廢郡改縣曰永嘉屬處州太業初屬永嘉郡唐改為東嘉州後廢為縣屬括州上元初改為温州以其地恒燠少寒故名天寶初復為永嘉郡乾元初復為温州建靖

安軍五代吳越建靖海軍宋為應道軍建炎初復為

温州咸淳初改為瑞安府

時禾有異畝同穎知州王亞夫以聞命陞為瑞安府

元為温州路

國朝為温州府東至海岸七十里西至處州青田縣界
九十里南至福寧州界四百九十里北至黃巖縣界
三百三十里戶十萬六千二百三十有八口三十五
萬二千三百七十有六

縣五

永嘉

附郭唐宋至元屬温州治

國朝因之二百八十有六里戶三萬九千五百有一口一十萬三

千九百三
十有九
瑞安
在府城南六十里本章安縣地吳分
置羅陽縣後改曰安陽晉改曰安固

屬臨海郡隋省唐復置屬温州天寶初以縣有白鳥
之祥改為瑞安縣宋因之元改為州國朝復為縣

一百三十有八里戶一萬八千四百
一十口七萬九千五百七十有五
樂清
在府城東

本東漢永寧縣會稽郡晉分置樂城縣隋省唐復置
五代梁時改為樂清縣國朝因之一百六十有八

里戶一萬七千六百二十有八
口七萬四千九百五十有九
平陽
在府城西南一

臨海郡安固縣太康初分置始陽縣尋改橫陽隋省
唐復置乾元中改平陽縣宋因之元改為州國朝

洪武已酉復改為縣二百四十有一里戶二萬
七千一十有五口八萬六千一百二十有二
泰順

在府城西南三百七十里本瑞安平陽二縣地國
朝景泰中分置泰順縣十有八里戶二千四百二十

有二百六十四
百八十有八